



Tuhaqtitauyaghat

Angiyuqqaq Tuglialu Angiyuqqaat Tikkuqtauhimayut
talvunga Qullit Arnait Qanurilinganinginnut Katimayiit

IQALUIT, Nunavut (Ubluqtuhirnirnut Aullaqtirvia 12, 2010) – Hivuliqti Eva Aariak, Ministanga Arnait Qanurilinganinginnut, ublumi uqaqtuq tikkuqtauhimayuq Donna Adams Kangiqiliniqmit Angiyuqqaanguvluni tahapkununga Qullit Nunavunmi Arnait Qanurilinganinginnut Katimayiit, tikkuqtauuyutlu Tugliata Angiyuqqaap Martha Aupaluktuq-Hickes (Qamanittuaq) unalu Angela Hovak Johnston (Kugluktuk).

“Qullit tautungnaqtughayut ilihimayaulutik, ilihimayungalu una Donna piniatuq tahapkuat Nunavunmi arnat pitjutikhakarianginni hulilukaarutikhanut havaklutik ihuaqhiutilutik arnait qanurilinganinginnut,” uqaqtuq Aariak. “Ilihimayungalu una Martha unalu Angela ikayukpakniaqtut Katimayiinnut.”

Adams atauhiq hitamanit nutaat ikhivaliqitut Ministaup tikkualihaaqhimayait Katimayiinnut malrukni ukiuni hivituniani, ilauyutlu Angela Hovak Johnston (Kugluktuk), Martha Aupaluktuq-Hickes (Iqaluktuuttiaq), unalu Maude Bertrand (Iqaluit). Ilauliktut tatja ilaayunut Bernadette Miquisaaq Dean (Kangiqiliniq), Neevee Wilkins (Iqaluit), Annie Iqalukjuak (Kangiktugaapik) unalu Trista Mercer (Iqaluit).

“Takuyumayatka Katimayiit havakhimmaaklutik aallanguqtirutaayanut itjuhiinnut nunallaami aatjikkiiknirnut pitjutikhaqariamingni,” uqaqtuq Aariak. “Katimayiit piyut aallanik piyaxhanik ikayuutikhaniklu arnanut Nunavunmi, pilugitlu maligaliugakhat havaktauyakhatlu ihuaqtumik pilugit arnanut.”

“Quviahuutigiyara tikkuqtaugama,” uqaqtuq Adams. "Ilihimayunga Qullit ihuaqhitiniaqtut pilluagakhanut inuuhiriknirnut, ningaqhiktailinirnut hivuliqtiurnirnutlu ukiuni hivuniptingni. Havakatigiyumayara Hivuliqtiyuq Aariak ikayurumavlunga inuuhittiarnirnut Nunavunmi."

Qullit havaktaghait havaklutik aatjikkiiknirnut tamainnut arnanut Nunavunmi ikayuutitut, qauyihainirnut inungnutlu ilihainirnut. Katimayiit tikkuarutait naunaiktait nunanit pitqhirnginnutlu allangavlutik Nunavunmi.

###

Naunaiyarumagungni Uqaqvigilugu:

Rian van Bruggen
Atannguyaq, Arnait Katimayiinnut
Hivuliqtiriyikkut Kavamaliqiyitkullu
(867) 975-6018

Shylah Elliott
Atanilluaq
Qullit Nunavunmi Qanurilinganinginnut Katimayiit
(867) 979-6690

ᐱᐳᐳᐳᐳᐳᐳ ᐳᐳᐳᐳᐳᐳᐳᐳᐳᐳᐳᐳ ᐳᐳᐳᐳᐳᐳᐳᐳᐳᐳᐳᐳ ᐳᐳᐳᐳᐳᐳᐳᐳᐳᐳᐳᐳ, www.gov.nu.ca.
News releases are available in Inuktitut, English, Inuinnaqtun and French on www.gov.nu.ca.
Tuhagtaghat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.